

呂祖全書

乙巳仲冬  
萬德至善社重刊

呂祖全書卷二十六

義陵無我子劉體恕彙輯

男劉陰誠清虛

全校

沙羨一行子黃誠恕叅訂

葫頭集下

五七言律絕  
雜體詞曲

漁舟以下五言律

富春人不見。疑乃度前川。短棹穿波月。

長風破水天。歌邀鷗共唱。醉擁鷺同眠。

借問功名客。曾知秋水篇。

示止源

浣月懸波碧。瑤琴落鳳聲。丹歸南嶺雪。

鶴到上林鳴。靜裏天原大。閒中性自清。

蜉蝣何足惜。石已是三生。

寒暮以下七言律

萬里晴空魄正圓。隔簾燈影鬪嬋娟。  
聲聲棲鶻千年樹。點點歸鳥一抹天。  
剪剩寒光雲出岫。蕩殘晚色水生烟。  
乘鸞此際來壇語。極目乾坤一縷禪。

止源求詩咏此壽意

山老雲輕幾代秋。白頭仙跡水悠悠。  
誰將玉詔傳佷鶴。我爲金書跨碧牛。  
長嘯一聲天地大。狂歌九極鳳凰遊。  
壺中說有綿綿界。欲子偕吾遍十洲。

仙况二首

山骨嶙峋月蕊飛。伯齊休採紫雲薇。  
玉臺一弄佷黃韻。金闕三敲太上闈。  
道裏烟光吹九極。袖中蟾氣放千輝。

遙梅肯贈於今夢。落得青霞補絳衣。

其二

萬山招隱川霞孤。雙鯉沙前酒一壺。峰插破雲天補色。  
月妝新黛水描圖。爛柯堪老多棋癖。滌器奚童勝酒徒。  
三楚六朝何所惜。好來溪上伴鶉鴝。

還丹奧法

第四句  
借韻

玉雪宜人鳳鼎清。黃芽初秀月初明。雲烟遠上三千閣。  
龍虎高聞九品經。姹女多情頻醉舞。嬰兒無語怯啼鶯。  
醍醐旣旨花休笑。放浪爐頭聽汞鳴。

坐臥

坐臥忘機劍影孤。靈光一點合丹爐。乾坤有象書千卷。  
歲月無知酒半蘆。唐室烟霞凝漢洞。秦家桃李映蒼梧。

浮生解此毫端意。歸去來兮大丈夫。

示通源

瓔珞蓮花法雨香。漫尋三昧放毫光。廣長舌上生圓覺。  
清淨身中作會場。寶鏡欲飛西土月。石幢猶撼北臺霜。  
勸君叅透菩提路。摩頂皈依我法王。

幽况

山高不礙白雲深。長嘯歸來和鳥音。日暮天空聞遠磬。  
月明松響聽遙琴。苔茵雨過春新了。桃李花飛色不禁。  
三輔五陵誰有夢。野人行樂只山林。

示引源

十年精進甕中天。今日耐心始合緣。月鉅釣君離苦海。  
道機撥爾入微玄。築基好盡三三法。煉己還宜九九先。

夢覺義皇西水碧。歸來滿目是銀蟾。

示佺源

空林皓月拂松蘿。崦外泉聲和鳥歌。三十年間清靜法。  
九千里外有無河。佺關未破神先壯。紫闕初開氣自和。  
但得重根蟾脫殼。始知靈谷轉輕波。

示淵源

肩橫一劍醉斜陽。笑指天低水未長。甲子不言方是覺。  
庚申旣悟始知香。烟雲拂地千年藥。嬰姹窺爐萬載昌。  
饒舌夜深題數語。囑君入夢自思量。

示全真守斗三首

深山清靜總枯禪。龍虎關頭始是緣。明月照人白雪固。  
黃芽入鼎紫霞堅。默存我氣雲中劍。淡悟佺風水底天。

遙指池臺生法相。桔槔汲透井華泉。

又

龍虎闕頭靜裏爲。桔槔無說却何之。桔槔本是身中汲。  
乾坎還從心內施。滴滴醍醐搖玉液。涓涓雨露灑金枝。  
雖然清靜成佗訣。只恐工夫下手遲。

又

心口原因我有身。無身心口總非真。若云心口能成道。  
豈說乾坤自合神。明月眼前渾是舊。曉風林外忽然新。  
皮毛謝却靈根在。始悟桃花解醉人。

示津源以下五言絕

靜嘯非闕動。閒吟自合仙。  
淡烟凝碧漢。新雨鎮山川。

題像二首

揮塵談天地。憑虛識古今。  
一聲長嘯後。烟水滿胸襟。

又

我有松風賣。世人買得無。  
黃金三萬兩。與爾一葫蘆。

偶吟二首

開落花前夢。真空物外情。  
雲衣風捲碎。月扇水搖清。

又

今古山河地。裝成一線圖。  
浩然三界外。四大敢拘吾。

山僧

明月高藜杖。清風冷衲衣。  
竹深廬不見。獨自引雲歸。

廣莫

廣莫春千丈。忘機鳥自棲。  
人間桃李樹。一任燕鶯啼。

枕石以下七言絕

松風醉耳兩忘機。琢得雲根僅半圍。  
高臥不知塵世熱。醒來冷眼看花飛。

偶吟二首

拾得乾坤一袖裝。裁成詩料付奚囊。  
方才敲罷三千字。透出森羅萬象光。

又

屈指臨風且慢思。  
。 昨宵今日總無知。  
。 邯鄲一覺誰先醒。  
。 謝得黃鸝叫綠枝。  
。

題像五首

草衣木食洞天春。  
。 古劍橫肩鍊素神。  
。 一箇純陽猶自幻。  
。 霜毫化作萬千人。  
。

又

不朝金闕不安爐。  
。 冷坐烟雲入畫圖。  
。 昨夜颼風翻北斗。  
。 還丹應自轉工夫。  
。

又

放出葫蘆太極光。  
。 雲團劍影剖陰陽。  
。 靈臺已結三三藥。  
。 透破泥丸遶帝鄉。  
。

又

獨上昂雲弄碧丹。  
清風八極剪衣寒。  
笛中無限佗佗訣。  
傳與浮生顛倒看。

又

今古塵機隨笑笑。  
乾坤變態且看看。  
箇中鶴服羞軒冕。  
醉裏漁簍冷碧冠。

偶吟二首

萬里乾坤一瞬間。  
風雲紫氣度佗闌。  
月華光滿猶云幻。  
笑指東皇醉碧山。

又

刀圭醉後月華生。  
八八青龍萬里鳴。  
姹女帶花橫寶髻。  
嬰兒邂逅更多情。

絕句二首

草衣木食不知年。  
一粒龍丹始悟玄。  
誰把居諸雙彈子。  
隨人碌碌逐塵烟。

又

倒控滄波天影肥。  
澄澄入鏡鳥斜飛。  
石鍾驚破沙前月。  
指與浮生慢悟機。

仙術

瓢盛明月口吞天。  
袖有驪龍吸紫烟。  
喚醒崑崙憨睡虎。  
教他蓮座聽新禪。

金丹

武夷雞犬白雲鄉。  
八卦爐烟結鳳凰。  
水火未交天地合。  
箇中七粒九陰陽。

清溪

清溪未滿月光來。花裏禪機次第開。  
只守心猿休放鶴。五雲應自聚靈臺。

兩丸

兩丸日月一團天。敢與吾儕論後先。  
笑殺元皇分正氣。安能知我未來前。

醉仙詞以下雜體

誰把銀河皆釀酒。請月邀雲。迷透一天星斗。霧掩眾愚。  
。霞舒錦繡。雪捲虛舟。記漢陽秋樹。醞葉綴丹邱。散  
髮倘佯。黃冠倒履。花影盈頭。吸百川而長鯨低首。臥  
六合而鹿麋雙修。風姨月姊。笑我無知叟。賣藥人歸。  
多少杖頭錢。問織女。訪雲帘。再沽他八斗。任乾坤合

壁。日月轉丸。酣眼矇矇。杯罈休離手。玉皇政務苦相  
催。去否去否。

偶作

賞心樂事。問如何消遣。對春風飛落。古劍橫肩。么麼  
小子。相與戲翩翩。傲乾坤可否。誰怪雲烟。情淡去。  
世徒然。黃髮垂髻幾變遷。行踪誰認蓬萊渡。弱水三千  
空漏船。君不見蕭蕭白鶴羽掀天。笑殺流鶯空宛轉。

疇昔詞

疇昔之昔兮鶴徘徊。我遊漢水兮江之湄。攜鐵笛兮雲中  
吹。欲醉不醉兮傾霞壘。狂歌不歌兮更倩誰。長嘯一聲  
兮天地摧。解一浮沉萬類兮終胡爲。敢曰雄才兮物推移。  
待予調羹兮何所之。相與子期兮黍離離。將駕長風展天

垂解二。

戲作道情詞

佻機無奧。世人自認爲虛渺。三五百千。歸來多少。說甚麼元皇氣巧。總只是人情顛倒。問而今眼底慧光。胸中電影。可曾知道。西江有月。東土有舟。可能直泛蓬萊島。黃龍有像。白虎留形。只都是強名之竅。笑浮生碌碌朝朝。枕黃梁未知驚覺。任大夢無虧。方能悟長生不老。嗟嗟。那時遲了。今日箇叩回道。明日箇禮回道。呵呵。令道人徒吐道人道。我也不知誰箇能通曉。今試以降筆臨壇。信有無。溫良一服誰殮飽。勸世塵須當一掃。

示津源

樹影遙青。泉聲觸石。中有野士。頭蓬脚赤。徜徉於無  
何有之鄉。笑傲於夢幻影之世。天高尺五。道滿大千。  
總不信誰非誰是。樂烟雲未老。而物我何逝。更不假變  
態本因。違太上之舊志。看桃花還落漢唐春。那丁郎鶴  
返。餘得城百雉。鴻雁唳空天。千載人民莫識。最羨取  
河上老人。合金丹而醍醐且旨。具雙眼視破其間。自然  
終始。

書野韻於燕山駐雲堂調山花子

雲散天光鶴一隻。歸飛洞口是堯時。文人正欲詠瑤辭。  
桃花解語千秋夢。綠水知音四海簾。野童他也會吟詩。

道情曲以下曲

步步嬌

夢幻茫茫花開卸。亂殺滄桑月。休言今古賒。試看一瞬  
乾坤。千秋吳越。若邪又何耶。梅花冷落人生業。

沉醉東風

望咸陽殘霞剩闕。惜商山流雲斷碣。倩花神影漫遮。線  
兒春拽。錦屏忙鶴絲鸞頰。餘紅褪也。狂鶯那些。任羽  
化南邀醉蝶。

好姐姐

莫憐漁蓑曉夜。曾釣盡英雄興滅。誰可以忘機。煉黃芽  
。調白雪。馮大塊。生枝節。我昂然自決。

月上海棠

何饒舌。秦謳趙舞生生孽。惹花脂燕韻。鳳雅龍奢。惜  
天桃紅雨輕盈。况蜉蝣綠雲拋撇。利名者。似黃鳥春歌

。杜鵑暮血。

五供養

黃金躍冶。紫騰騰秀色。箔我難些。葫蘆倒控陰陽設。  
雲姨月妹烟霞姐。好伴我三皇舊客。任人老。韶光邁。  
那些些。君不見。松濤驚起瓦棺蛇。

玉抱肚

青牛力怯。怕函闕夜度。惟依洞月。弄琴樽千壑。酣雲。  
坐巔岩半林醉葉。瓊姝欲遣鶴迎接。柳烟休管人離別。

水紅花

虛脾套子因誰設。頓誤這流連豪傑。總然寵辱三生結。  
何堪卸四生週折。不信羅浮舊恨。何處芙蓉榭。弔東山  
悲太液也囉。

雙聲子

丈夫能自烈。世事隨蛩咽。佞機好對梅花說。再休題玉  
簫。有願同衾穴。

尾聲

大鵬既把扶搖接。一任他鶴鷁暫借。我且剪青輪聊披寫  
。

漁樂曲

步步嬌

磯上羊裘誰爲傑。自在桃花月。輕舸任近賒。趁着雲片  
風絲。烟波帆葉。蘭槳擊龍蛇。蓼花何處芦飛雪。

沉醉東風

漢宮春笑他興滅。隋堤柳催人離別。瓊花也今在耶。何

曾開卸。只落得東風週折。漁竿影斜。漁歌唱些。然楚竹儘醉寒簑夜。

好姐姐

追思人生事業。千萬載無休無歇。又誰詔華瞬息間將伊撇。只落得白楊月。照荊棘斷碣。

月上海棠

再休說。桃源怕也成罨穴。看洞迷猿嘯。花落雲遮。挽絲綸霓影搖搖。捲波濤龍光疊疊。休披寫。鷗懶沙汀。燕棲臺榭。

五供養

幻哉夢也。憶邯鄲最怯。枕畔豪奢。何時解說。羲皇蝶。肯種幽蘭開綠野。效彭蠡湖天放楫。伴鹿鶴忘機矣。

運河車。更好覓龍虎金鳥作採接。

玉抱肚

東山舊謝。恨堂前燕去。平常庭榭。八公山鶴唳寒江。  
九嶷竹鳳鳴春月。誰憑法相了些些。鰲鉤歷盡英雄鐵。  
水紅花

漁村遙蓬瀛接。好寧貼。叅他黃白。一聲款乃各相協。  
野歌兒深通道訣。西岸咿呀暮影。直把孤星射。兩相呼  
。堪停泊也囉。

雙聲子

洞庭春自悅。興廢誰能徹。漁家骨肉由他拙。任你文章  
俠氣。渾石畫。

尾聲

王侯富貴休稱說。試問金谷當年羅列。怎似那釣老烟波  
漁樂也。

葫頭集原跋

紫極帝君。自庚子秋顯化燕山。歷冬徂春。憑三寸枯竹。喚醒羣蒙。隨聲響應。靡不備至。時而一日數臨。時而數日一臨。杳杳幻幻。不可思擬。至則辭賦數千言。緗素數十幅。曾不轉瞬立就。觀者莫不咄咄稱奇。蓋自有生以來。不獨見所未見。而實聞所未聞矣。始夏闕中鄭子。不忍以亘古奇文。湮沒不彰。欲彙梓行世。大祇向來被人持去四方。無從搜集者。不知凡幾。政如黃鶴一去。不可復追。至於批判吉凶。隨事問答。亦槩未錄入。茲不過因時唱詠。書箋題畫。蓋存什一於千百之中已耳。以吟風嘯月之詞。吐黃芽白雪之奧。長歌短韻。悉寓至理。世人獲讀此編。

所謂飲沆瀣者。膏梁成穢。服雲霞者。綺縠生塵。因文起悟。忘言索真。其在斯乎。若徒以琳琅戛擊。助艷詞壇。則三百四始。并垂六經。聖人亦何樂乎有是哉。四月吉旦弟子鏡源敬跋。

又

帝君以紫極之尊。而降紅塵之筆。須臾百幅。頃刻千言。字畫盡龍鳳之工。詩歌金玉之奧。聞者駭之爲異。見者歎之爲奇。信者班班。疑者種種。總皆以物遇物。未嘗以神合神也。况嘈雜之際。奧旨繽紛。閱甫未完。分持四去。求其棄凡礙於蜉蝣。而悟性命於筆墨者。不亦難哉。余以蒙昧無知。未明至道。但見帝君千萬語言。每每以忠孝爲體。以道理爲用。闡教本

之中庸。見性出乎異說。詩而寓道。道而合禪。不作一家之言。而盡三聖之用。真亘古之宏文。而當今之祕寶也。遂精心勤力。搜集成書。付梓行世。以公帝君之婆心。以開生人之正路。然成仙成佛。本非異人。爲聖爲賢。在乎人異。吾儕同此靈明。豈可以塵凡自甘。而以聖賢自遜乎。倘能打破疑城。力持慧劍。擊道理之楫。駕忠孝之航。直破慾海之浪。而登蓬萊之巔。回視葫頭。亦爲贅疣。不幾哂余多事哉。至於帝君傳經傳方之本願。降詩降字之婆心。與夫馬子之孝。衆信之誠。則有諸真親書之序。與諸子敬謨之跋在。余何敢嘒嘒。

順治十八年歲次辛丑蒲月朔居延弟子止源敬謨